

# رەنگقەدانا دانوستاندین حکومەتا فەرەنسى دگەل سەرکردایەتیا شۆرەشا جەزائىرى د رۆژناما خەباتدا (۱۹۵۹ - ۱۹۶۱)

پ.د. شىرزاد زکرىا محمد  
بەشى مېژوو، فەکولتيا پەرورەدە  
زانکویا زاخۆ  
Shirzad1977@gmail.com

نهاد عيسى حمو  
بەشى مېژوو، کوليزا پەرورەدە- ئاکرى  
زانکویا دھۆک  
nihadissa5@gmail.com

## کورتى

پشتى دروستبونا شۆرەشا ۱۴ تيرمەها ۱۹۵۸ ئى، رۆژنامەقانىيا  
عيراقى ب گشتى گرنگيەكا تايبەت ب كيشا جەزائىرى ددان، و بەھمى  
رىكان ھەولددان ھارىكارىيان پيشكىشى شۆرەشا جەزائىرى بکەن.  
لقيرى رۆژنامەقانىيا كوردى ژى و بتايبەت رۆژناما خەبات - زمانحالى  
پارتى ديموكراتى كوردستان، پشتەقانىيا خو بو شۆرەشا جەزائىرى  
دياركر، و لسەر لاپەرین خو دەنگوباسين سياسى و لەشكەريين  
جەزائىرى قەدگواھاستن. ئەف قەكولينا لېبەر دەست ھەولدانەكە بو  
دويقچوونا بابەتى رەنگقەدانا دانوستاندان دناقبەرا بزاڤا رزگاربخوازا  
جەزائىرى و حكومەتا داگيركەرا فەرەنسى د رۆژناميدا، بتايبەت ئەو  
دانوستاندنە د قوناغين گەلەك زەحمەتدا دەربازبوون، ھەتا جەزائىرى  
لدوماھيى و برىكا وان دانوستاندان سەربەخويياخو لسالا ۱۹۶۲ ئى  
بدەستقەئىيان.

## پیشه کی

گهل کورد ل باشوری کوردستانی گرنگیه کا مه زن ب کیشین مله تین دیتیرین لژیرو دهسته لاتداریا داگیرکه ران ل جیهانی ددا، و هه فخم بوون دگهل واندا. دئی واریدا رۆژناما خه بات زمانحالی پارتی دیموکراتی کوردستان، پشته قانیا شوپره شا جه زائیری دکر، و بهرپه رین بهر فراهه دابین کربوون بو شوپره شا جه زائیری، و چاقدیریا هه می دهنگوباسین سیاسیین شوپره شی دکر. و ئەف فه کولینه هاتیه تاییه تکر ب دویچوونا رۆژنامی بو بابه تی دانوستاندان د پهیوه ندیین بزاقا رزگاربخوازا جه زائیری دگهل حکومه تا داگیرکه را فهره نسا، و چه وانیا بریفه چوونا قان دانوستاندان، ئەوین د چه ندین قوناغین سهخت و دژوار دا دهر بازبووین، هه تا ل دوماهی گهل جه زائیر شیای سه ره خوینا خو بده ستقه بینیت.

فه کولین هاتیه دابه شکر لسه ر هفت ته وهران، و مفا ژ چه ندین ژیده ران هاتیه وهرگرتن، ل ریزا پیشی ژماره یین رۆژناما خه بات دهین، کو ب وردی دویچوونا پیشهاتین دانوستاندان دکر، ههروه سا مفا ژ چه ند ژیده رین هاریکار بو رونکرنا چه ند رویدانین میژووی دئی قوناغی دا هاتیه وهرگرتن، و هاتینه تومارکر د لیستا ژیده ران . په یقین سه ره کی: جه زائیر، فهره نسا، رۆژناما خه بات، دانوستاندن.

## دهروازه:

د بهر ده وامییا وی مملانییا د ناقبه را دهوله تین ئوروپیین مه زن ل چه رخی نوزدی بو داگیرکرنا داگیرکه هان دهاتیه کرن، دهوله تا فهره نسا ل سالا ۱۸۳۰ رابوو بداگیرکرنا وهلاتی جه زائیر، بمره ما پاراستنا بهر ژه وه ندیین خو، چونکی جه زائیری جهه کی گرنگ و ستراتیزی هه بوو، له ورا بریارا داگیرکرنا وی دا. فهره نسا گهله ک زورداری وسته م ل گهل جه زائیر کر، و جه زائیریا دژایه تیا داگیرکه را فهره نسی دکر ل

چەندىن قوناغاندا، ھەتتا ل ئىككى چىرىيا دووى ساللا ۱۹۵۴ شۆرەشا جەزائىر ھاتە راگەھاند. و پشتى حكومهتا دەمكى يا جەزائىرى ل ۱۹ ئەيلولا ۱۹۵۸ ئى سەرۆكاتيا فەرحات عەباس<sup>(۱)</sup> ل قاھىرە ھاتىيە پىكئىنانى، و ژ بەر وئ فشارا شۆرەشگىران لسەر داگىرکەرئىن فەرەنسى دكرن، چەندىن جاران ھول ھاتنە دان كو دانوستاندن بھىنە كرن دناقبەرا فەرەنسا وشۆرەشگىرئىن جەزائىرى دا، بۆ چارەسەركرنا كىشا جەزائىرى (بلغىث، ۲۰۱۳، ۱۹ وبعدها).

بزاڤا رزگاربخوازا كوردى و ھەر ژ دەستپىكا شۆرەشا جەزائىرى، دوپچوونا پىشھاتىن وئ دكر، و پشتەقانىا بەرخودا گەلى جەزائىر دژى داگىركارىا فەرەنسى دكر، و ئەف چەندە د ئەدەبىياتىن نھىئىن پارتى دىموكراتى كوردستان ژ بەرى شۆرەشا ۱۴ تەموزا ۱۹۵۸ ئى دا ديار بوو، بۆ نموونە رۆژناما خەباتى كوردستان ساللا ۱۹۵۷ ئى پشتەقانىا خو بۆ قى شۆرەشى دياركربوو (جرىدە خەباتى كوردستان/ نضال كوردستان ، ايار ۱۹۵۷). پشتى دەرکەفتنا رۆژناما خەبات زمانحالى پارتى دىموكراتى كوردستان ل ۴ نىسان ۱۹۵۹، كو پارتى پشتەقانىا وئ دكر و ھژمارئىن وئ برىكا بنگەھىن پارتى دگەھشتنە ھەمى دەقەرئىن كوردستانى، ئەقى رۆژنامى بەرگرى ژ گەلى كورد دكر، و پشتەقانىا گەلئىن زولم لىكرى و بشىوہىەكى تايبەت شۆرەشا گەلى جەزائىر دكر، و ب وردى دىچوونا رەوشا سىياسى و لەشكەرى ل وى وەلاتى دكر. بۆ زانين (۴۶۲) ھژمارە ژ قى رۆژنامى دەرچوون و ل ۲۸ ئادارا ساللا ۱۹۶۱ ھاتە گرتن ژلايى حكومهتا عىراقى قە(سلىفانى، ۲۰۱۳، ۸ وبعدها).

ھەژى گۆتنييە دەمى حكومهتا عەبدولكەرىم قاسمى (۱۹۵۸-۱۹۶۳) پاشەكشە كرى د بجهئىنانا سۆزئىن خودا بەرامبەر مافىن نەتەوہىيىن گەلى كورد دا، سەرۆكى پارتى دىموكراتى كوردستان مەلا مستەفا

بارزانی (۱۹۰۳-۱۹۷۹) ژ به‌ری ده‌ستپیکرنا شوپه‌شا ۱۱ ئەیلوولی ل سالای ۱۹۶۱ ئی، گه‌ف ل حکومه‌تا عیراقی کرن و گوت: "ئه‌گه‌ر حکومه‌تا عیراقی کیشا کوردی چاره‌سه‌ر نه‌که‌ت، ئەو دی نه‌چاربن هه‌مان وی ریکئی بگرنه به‌ر ئەوا گه‌لی جه‌زائیری گرتی"، ئارمانجا بارزانی ژ فی گوتئی ئەو بوو بینیته‌ بیرا قاسمی کا ئەو چه‌وا ب مه‌ردینی هاریکاریا شوپه‌شا جه‌زائیری دکه‌ت، و ژلایه‌کی دیتره‌که کیشا گه‌لی کورد ئەوا وه‌ک یا گه‌لی جه‌زائیری پاشگوه‌فه د ئیخیت (بوتانی، ۷ آذار ۲۰۰۵، ۶).

### ئیک: سیاسه‌تا نوی یا دیگولی به‌رامبه‌ر کیشا جه‌زائیری

سیاسه‌تا فەرهنسی گورانکاری به‌سهردهاتن ده‌می سه‌رۆک شارل دیگول Charles de Gaulle حوکمرانی وه‌رگرتی (۱۹۵۹-۱۹۶۹) و کیشا جه‌زائیری که‌فته د قوناغه‌کا نویدا. سه‌رۆک دیگول گه‌هسته‌ته‌ وی باوه‌ریی کو شه‌رئ جه‌زائیر دی بیته‌ ئەگه‌رئ پتر لاوازبوونا هی‌زا ئابوری و له‌شکه‌ریا وه‌لاتی وی، و لدوماهیئ ژئ هیچ ئەنجامه‌کی باش بو سه‌رکه‌فتنا فەرهنسا ل جه‌زائیر ناییت، بتاییه‌ت پشتی هه‌می ریکین شه‌ری بکارئیناین، و پشته‌فانیا رایا گشتی یا جیهانی بو گه‌لی جه‌زائیر(السامرائی والنجم، ۲۰۱۵، ۲۳۱؛ سید احمد، ۲۰۱۷، ۶۳).

بقی ره‌نگی و ژ ئەنجامی تی‌کچوونا ره‌وشا له‌شکه‌ری یا ده‌سته‌ه‌لاتاریا فەرهنسی ل جه‌زائیر، جه‌نه‌رال دیگول ب هیمنی پاشگه‌زبوو ژ ه‌زرا (جه‌زائیر فەرهنسیی یه)، ده‌می ل ۱۶ ئەیلولا ۱۹۵۹ ئی، پرۆژئ خو بو چاره‌سه‌رکرنا کیشا جه‌زائیری پراگه‌هاندی، کو شه‌ر ئیکسه‌ر بدوماهیئ به‌یت، و ئاشتی به‌رقه‌راریت بو ده‌می چوار سالان، و پشتی ئان چوار سالان ریفراوندۆمه‌ک به‌یتنه‌ ئەنجامدان بو گه‌لی جه‌زائیر بو دیارکرنا چاره‌نقیسی خو د ئیک ژ ئان خالان:

أ- جودابوون و ههلبژارتنا جورئ حکومه تی یی وان دقیت.  
ب- ئیکگرتن دگهل فرهه نسا، ئانکو وهکله فی د هه می ئه رک و  
مافان دا دگهل هه می ئانجیین فرهه نسا.

ج- ئوتونومی لژیئر دهسته ه لاتاریا ئیکه تیا فرهه نسی (السرای،  
۲۰۰۶، ۱۹۵، سید احمد، ۲۰۱۷، ۶۴-۶۵).

ژ ئه فا لسه ری دیاردبیت ئه ف پرۆژه هه می د بهرژه وهندییا  
حکومه تا فرهه نسیدا بوو، چونکی ریفرا ندوم دی ژ لایی فرهه نسا  
داگیرکه ر و هاریکاریا له شکه ری وی قه هیته ئه نجامدان (السرای،  
۲۰۰۶، ۱۹۵).

لدور قی پینگا فا حکومه تا فرهه نسا، رۆژناما خه بات رابوو ب  
قه گوهاستنا راپورته کی کو ژ لایی ئازانسا (تاس) یا سوقیتی هاتبووه  
به لاکرن، تیدا هاتبوو، سیاسه تا فرهه نسا یا نوی نا گونجت دگهل  
بوچوونا رایا گشتی یا جیهانی بو چاره سه رکرنا کیشا جه زائیری،  
چونکی دیگولی راگه هاند ئه و دی بهرده وام بیت ب دژایه تیکرنا بزافا  
رزگار یخوازا جه زائیری، و دی هه ولده ت ژناقبیه ت (خه بات/ النضال، ع  
۶۲، ۲۳ ایلول ۱۹۵۹).

به لی سه ره پای فان ئاسته نگان حکومه تا ده مکیا جه زائیر پشتی  
بورینا ۱۲ رۆژان و ل ۲۸ ئه یلولی د به یانه کی دا رازیبوونا خو لسه ر  
ده ستپیکرنا دانوستاندنان دگهل فرهه نسا راگه هاند، بو راوه ستاندنا  
شه ری (السرای، ۲۰۰۶، ۱۹۵).

رۆژناما خه بات گوتاره کا دیتر به لاکر ب نافی: (نه رازیبوونا رایا  
گشتی یا فرهه نسی ژ پویدانین جه زائیری) تیدا هاتبوو: رۆژنامین  
فرهه نسی نه رازیبوونا خو دیارکرینه ژ سیاسه تا وهلاتی خو به رامبه ر  
جه زائیر، و ژوان رۆژناما لوماتان (Le Matin) - زمانحالی حزبا شیوعیا  
سوقیتی - ده می دیارکری: حکومه تا فرهه نسا دیژیت مه مافی گه لی

جه‌زائیر یی دایین به‌لی دبنه‌ره‌تدا ئەفه نه یا راسته، به‌لکو سه‌رکو‌تکرنا گه‌لی جه‌زائیری یه. ژ لای خوقه رۆژناما لیبراسیون ( Libération ) گۆت: دقیت دویمه‌یک ب قان شه‌ران بهیت چونکی رۆژ ب رۆژ باره‌دوخ خراپتر لی دهیت (خه‌بات/ النضال، ع ۱۵۶، ۲۸ کانوون الثاني ۱۹۶۰).

لدۆر وان پیشه‌هاتین سیاسی ل جه‌زائیر و دانوستاندین دهاتنه چاقه‌ریکرن دگه‌ل فەرهنسا، سه‌روکی حکومه‌تا ده‌مکیا جه‌زائیری فەرحات عه‌باسی نامه‌یه‌ک بو گه‌لی جه‌زائیر هنارت تیدا گۆت: یه‌کریزیا شوپره‌شی یا ب هیژ که‌فتی پشتی کومبوونا جقاتا نیشتمانی یا شوپره‌شی ئەوا ل باژیری ته‌رابلوس ل لیبا بریقه‌بری، کو بو هندی بوو بوچوونیت وان جیاواز نه‌بن و ژیک نیژیکین. و هه‌روه‌سا گۆت: فەرهنسا هه‌ولده‌ت ده‌سته‌ه‌لاتا خو ب هیژی سه‌پینیت ل سه‌ر گه‌لی جه‌زائیر، لی گه‌لی مه‌ خو راده‌ست ناکه‌ت و دی خو ده‌ته کۆشتن پیخه‌مه‌ت سه‌ره‌خویا خو. و سه‌باره‌ت هه‌لویستی حکومه‌تا ده‌مکی ده‌رباره‌ی پروژهی دیگولی کو کیشا جه‌زائیر بدوماهیک بهیت ب ریکا دانوستاندا و گفتوگویی، عه‌باسی دیارکر ئەم پازینه ل سه‌ر و دژی شه‌رینه، به‌لی پیتقیه‌ گرتیا مافی چاره‌نقیس و ئازادیا گه‌لی جه‌زائیر بهیت دیارکر (خه‌بات/ النضال، ع ۱۵۸، ۳۱ کانوون الثاني ۱۹۶۰).

روینشتانین فەرهنسی ل جه‌زائیر و بتایه‌ت بین له‌شکه‌ری بتوندی دژی پروژی سه‌رۆک دیگولی راوه‌ستیان، و مه‌نده‌هوش مان ژ به‌ر پروژی وی، له‌ورا رابوون ب ئەجامدانا خویشاندانان دژی پروژی. و به‌ره‌ما ژناقبرنا ده‌سته‌ه‌لاتداریا دیگولی بزاقه‌کا یاخیوونی سه‌رکردایه‌تیا جه‌نه‌رال جاکوب ماسو (Jacob Massu) بو ده‌می شه‌ش رۆژان ۲۶ کانونا دووی- ۲ شوباتا ۱۹۶۰ ی درستبوو، به‌لی پشته‌قانیین دیگولی شیان ئی یاخیوونی ژناقبهن. به‌لی دگه‌ل ئی چه‌ندی ژ

دیگولی ریگ دایه سه روک وهزیرین خو میشال دوبریه (Michel Debré) داخویایین دژوار سه بارهت سیاستا حکومتا خو ل جه زائیر بدهت، بو نمونه ده می گوتی: "ریفراندومی چ نه انجام هه بن، فهره نسا رازینابیت هیزین خو یین له شکه ری ژ جه زائیر فه کیشیت". له ورا ده می دیگولی سه ره دانا جه زائیر کری ل ۹ کانونا ئیکی ۱۹۶۰ نیشتمانپه روه رین جه زائیری دژی فی سه ره دانی راوه ستیان، و ژلای خوقه روینشتقانی فهره نسی ل جه زائیر هیرشکره جه زائیریان و چهن دین کوشتی و بریندار که فتن (السامرائی و النجم، ۲۰۱۵، ۲۳۱).

ناقه ندین سیاسی و رهوشه نبیری ل فهره نسا گفاشتن لسه حکومتا خو دکرن بو ده ستپیکرنا دانوستاندانان دگه ل نوینه رین گه لی جه زائیر، دفی واری دا جقاتا ئاشتی یا نه ته وه یی فهره نسی داخو ازا ریکه کا ئاشتیانه کر دا کیشا جه زائیری بهیته چاره سه رکرن، و سه بارهت فی بابه تی به یاننامه یه ک بو سه روکی فهره نسا دیگولی هنارت تیدا داخو ازا کر گه لی جه زائیری پاشه پوژا خو دیار بکه ن، و ل دویمایا به یاننامی دا هاتبوو: دقیت گفتوگویی راسته وخو دناقبه را فهره نسا و شوپره شگیرین جه زائیری بهینه کرن، چونکی نه ف سیاستا نوکه د هیته پهیره وکرن د بهر ژوهندییا وه لاتی مه دا نینه ( خه بات/ النضال، ع ۱۶۰، ۲ شباط ۱۹۶۰).

هه ژی گوتنییه گه له ک ژ وان فهره نسیین دژایه تیا شه ری جه زائیری دکرن، حکومتا فهره نسا کریارین یاسایی به رامبه ر وان د وه رگرتن، لدور فی چهن دی پوژناما خه بات گوتاره ک به لاکر، ب ناقی (دادگه هکرنا فهره نسیین هاریکاریا خه باتا جه زائیر دکهن) تیدا هاتبوو: دادگه هه کا فهره نسی (۲۳) که س دادگه ه کرن ب تومه تا پشتگیرییا خه باتا جه زائیر، و نه ف که سه ژ هونه رمه ندان و دهره یینه رین فیلمان و نه کته ران و قوتابی و دهرچویی زانکویان پیک ده اتن، و دادگه هی گوت: نه فه

گروپه‌کن پشته‌قانیا له‌شکه‌ری پزگاربخوازی جه‌زائیری دکهن، و داخو‌زا پاوستاندنا شه‌ری و کوشتنی دکهن، و داخو‌زا ئاشتی و سه‌ربه‌خویی بو‌گه‌لی جه‌زائیر دکهن (خه‌بات/ النضال، ع ۳۰۵، ۵ ایلول ۱۹۶۰).

سه‌ره‌رای هه‌می گف‌اشتنین حکومه‌تا فەرهنسا بو‌سزادانا ئه‌و که‌سین دژایه‌تیا شه‌ری دکرن ل جه‌زائیر، به‌لی پوژناما خه‌بات گوتاره‌ک به‌لافکر، تیدا هاتبوو: گروپه‌ک ژ فه‌یله‌سوف و هزرقان و ره‌وشه‌نبیر و سیاسیین ئازاد ل فەرهنسا به‌یانه‌ک ده‌رئ‌بخستن، تیدا گو‌تبوون: دیگولی دیارکریه‌ک شه‌ری جه‌زائیر دئ به‌رده‌وام بیت هه‌تا نشتیمان په‌روه‌رین جه‌زائیر خو‌پاده‌ست بکه‌ن. و ده‌رامبه‌ر دا به‌یانی گو‌ت: گه‌لی جه‌زائیر خه‌باتی بو‌سه‌ربه‌خویی و ئازادییا خو‌دکه‌ن، و مافی هاو‌لاتیی فەرهنسییه‌ ره‌تبه‌که‌ت چه‌کی ب هه‌لبگریت دژی گه‌لی جه‌زائیری. و به‌یانی زیده‌تر گو‌ت: خه‌باتا گه‌لی جه‌زائیر هه‌ولدده‌ت ب هه‌می شیانان شه‌کسته‌نی ب سیسته‌می داگیرکه‌ران بینیت، و کیشا وان کیشا ئاشتی یه‌ل هه‌می وان جه‌ین دقین ب ئازادی و سه‌ربه‌خویی بزین وه‌کی هه‌می گه‌لین ئازاد(خه‌بات/ النضال، ع ۳۰۸، ۱۸ ایلول ۱۹۶۰).

### دوو: هه‌لو‌یستی جه‌زایریان ژ هه‌لبژارتنن نافخویی ۲۹ ئه‌یارا ۱۹۶۰ ئ

پوژناما خه‌بات هه‌ولددا په‌یامین راسته‌وخو ژ پوژنامه‌قانیا شو‌ره‌شا جه‌زائیری بگه‌هینیته خوینده‌قانتین خو، له‌ورا گوتاره‌ک ل ۲۰ نیسان ۱۹۶۰ ئیناته‌خوار کو ژ پوژناما مو‌جاهید (المجاهد) زمانحالی شو‌ره‌شا جه‌زائیری وه‌رگرتبوو ب نافونیشانین (مو‌جاهید پیلانگیریا فەرهنسا ل هه‌لبژارتنان ئاشکراکر) و حکومه‌تا فەرهنسا دقیا هه‌لبژارتنان بو‌جقانی، نافخویی ل ۲۹ ئیار ۱۹۶۰ ل جه‌زائیر ئه‌نجام بده‌ت و بو‌قی مه‌ره‌می هاته‌دابه‌شکرنی بو‌ ۱۳ ده‌قه‌را، و ئارمانجا فەرهنسا ژ قان هه‌لبژارتنان لکاندنا جه‌زائیر بو ب فەرهنساقه، و دق گوتاریدا هاتبوو:



پلانا ریکخستنا ههلبژارتین ناخویی ل جه زائیر نه بو هندی یه کو جه زائیری نوینه رین خو دیار بکه ن ل حکومتی، به لکی بو هندی یه دا بیژن جه زائیری رازینه ب دهسته لاتداریا فەرهنسی، به لی ملله تی مه بهیچ رهنگه کی هزرئ د دهست ژ بهردانا ئیک بوستی ژ ئاخا خو ناکهت (خه بات/ النضال، ع ۱۹۹، ۲۰ نیسان ۱۹۶۰).

ههروهسا رۆژنامی گۆتوو: دیگول و حکومتا وی پشتا خو داینه ئاشتی و ئوتونومی، و بهرئ وان یی ل شه ری داگیرکهریی یه. و رۆژنامی دیارکر فهرانسیان بفرمی هه ولداینه جه زائیری دابهش بکه ن. ههروهسا گۆتوو دهسته لاتا داگیرکهر هیژین خو ل هه می بنگه هین ههلبژارتنان جیگیرکربوون، ئه قجا جه زائیریان د گوت: هه رکاندیده ک خو تیکه لی سیاسه تا دوژمنی بکه ت ئه وی خیانه تی ل نیشتمانی دکه ت، و گه لی جه زائیر لی نابوریت. و گۆت: فهرانسا یا پلانا به رده وامییا شه ری و پاراستنا دهسته لاتا خو ددانیت، و یا هه ولدده ت جه زائیری دابهش بکه ت بو کۆمه لگه هه کا نه ته وه یی و ئایینی، و ریکخستنا ههلبژارتین ناخو ل مه ها بهیت بیت، و ئه قی سیسته می ل سه ر جه زائیر ب سه پینیت (خه بات/ النضال، ع ۱۹۹، ۲۰ نیسان ۱۹۶۰). هه ژی گوتنی یه رۆژناما (المجاهد) ئه ف گوتاره د ژمارا خو (۶۵) یی رۆژا ۴ نیسانا ۱۹۶۰ ل لاپه ره (۴) دا به لاف کربوو.

گه لی جه زائیر ب توندی دژی قان کریارین فهرانسی پراوستیا و حکومتا جه زائیر یا ده مکی د کۆمبوونا خو ئه وال ته رابلس ل ۱۸ نیسانا ۱۹۶۰ ئه نجام دای بریاردای بایکوتا ئه قان ههلبژارتنان بهیته کرن، و گۆت هه رکه سه کی پشکداریی تیدا بکه ت ئه و دژی گه ل و شوپه شا جه زائیری یه (خه بات/ النضال، ع ۱۹۹، ۲۰ نیسان ۱۹۶۰).

لدور وان ههلبژارتین فهرانسا بریاردای ل ۲۹ ئه یارا ۱۹۶۰ بهینه ئه نجامدان ل جه زائیر، رادیویا دهنگی کوماری (صوت الجمهوریه) یا

جه‌زائری دیار کر‌ئو چه‌ندا دیگول دبیزتی "هه‌لبزارتن" و هاتیه سه‌پاندن لسه‌ر گه‌لی جه‌زائیر، دژی حه‌زا وانه د دیارکرنا چاره‌نقیسی خودا، چونکی ئەف هه‌لبزارتنه دی لژی‌ر ده‌سته‌ه‌لاتداریا له‌شکه‌ریا داگیرکه‌ران هینه ئەنجامدان. و رادیوی گوت: پوژا ۲۹ ئەیاری نابیته پوژا هه‌لبزارتنان ل جه‌زائیر به‌لکی دی بیت روژه‌ک فەرهنسی ئاهه‌نگ ب کوشتنا جه‌زائیریان بگێرن (خه‌بات/ النضال، ع ۲۲۶، ۲۵ ایار ۱۹۶۰). وه‌زیری راگه‌هاندنا جه‌زائیری به‌یاننامه‌یه‌ک ده‌رباره‌ی بیسه‌روبه‌ریا هه‌لبزارتنان ل ۲۹ ئایار ۱۹۶۰ به‌ینه‌ کرن ده‌ریخست، تیدا هاتبوو: هنارتیی سقیل یی حکومه‌تا فەرهنسی ئەوی هاتیه جه‌زائیر، دبیزیت، گه‌لی خه‌لکی پشکدارین د ئەفان هه‌لبزارتنان دا، ئەوین دی لژی‌ر چاقدیری له‌شکه‌ری فەرهنسی بریقه‌چن، چونکی بو دیارکرنا پاشه‌پوژا هه‌وه‌یه! وه‌زیری جه‌زائیری گوت، لی د راستیدا فەرهنسا ئەفی چه‌ندی ب دروستی نابیزیت، به‌لکو دقیت ب ئەفان هه‌لبزارتنان شه‌ریه‌تی بده‌ته ده‌سته‌ه‌لاتا خو ل جه‌زائیر، لی ئەم ئەفان هه‌لبزارتنان په‌تدکه‌ین و هه‌ر که‌سه‌کی پشته‌فانیا وان بکه‌ت خیانه‌تی ل ئاخ و نیشتیمانی خو دکه‌ت، چونکی ئەف هه‌لبزارتنه ساخته‌نه و ب تنی بو وی چه‌ندی نه‌ دیگول پروژیه‌ین خو بجه‌بینیت ل جه‌زائیر، و داخاز ژ گه‌لی خو دکه‌ین به‌شداری فان هه‌لبزارتنان نه‌که‌ن؛ چونکی ئارمانجا شو‌ره‌شی رزگارکرنا وه‌لاتیه‌ ژ داگیرکه‌ران ( خه‌بات/ النضال، ع ۲۲۸، ۲۷ ایار ۱۹۶۰).

فەرهنسا بریارا ئەنجامدانا هه‌لبزارتنان جفاتین ناخوویی ل جه‌زائیری دابوو، به‌لی زۆربه‌یا گه‌لی جه‌زائیر بریاردان بایکوتا فان هه‌لبزارتنان بکه‌ن. و ژ به‌ر مه‌ترسییا هی‌رشکرنا شو‌رشگی‌رین جه‌زائیری لسه‌ر بنگه‌هین ده‌نگدانی، فەرهنسا جه‌ی فان بنگه‌هان ب نه‌ینی هیلان و ئاشکرا نه‌کرن. و هه‌لبزارتنان ل پوژین ۲۷ - ۲۹ مه‌ها ئایارا ۱۹۶۰ ی

هاتنه کرن. له‌شکه‌ر و پولیسین فەرهنسی چاقدیریا بنگه‌هان دکرن، به‌لی نیزیکی نیقه‌کا جه‌زائیریان بایکوتا هه‌لبژارتنان کرن، ژ به‌ر کو حکومه‌تا جه‌زائیری داخواز کربوو پشکداریی تیدا نه‌که‌ن. ل باژیرین مه‌زن ریژه‌یا بایکوتی گه‌هسته (۷۰٪) و ل هنده‌ک جهان وه‌کی (وه‌ه‌پان و قسنتینه) نشتیمانپه‌روه‌ران بایکوتکرن و پشکدارنه‌بوون (خه‌بات/ النضال، ع ۲۲۳، ۲ حزیران ۱۹۶۰). بقی ره‌نگی فەرهنسا نه‌شیا ئارمانجین خو د هه‌لبژارتنان دا به‌ینیت.

### س: رازیبوونا حکومه‌تا ده‌مکیا جه‌زائیری لسه‌ر ده‌ستیپکرنا دانوستاندنان

حکومه‌تا جه‌زائیری یا ده‌مکی لروژا ۲۰ خزیرانا ۱۹۶۰ ع د به‌یانه‌کی دا راگه‌هاند ئه‌وان بریاردایه سه‌رۆکی حکومه‌تی فەرحات عه‌باس سه‌رۆکاتیا شاندی وه‌لاتی خو و به‌ره‌ف پاريس بچیت بو دانوستاندنی دگه‌ل سه‌رۆکی فەرهنسا دیگولی، بو دانانا سنوره‌کی بو وی شه‌ری ده‌یته کرن دناقبه‌را واندا. و ده‌یانا حکومه‌تا جه‌زائیری دا هاتبوو: دیگولی گوت، دی شه‌ری راوستینین و مافی گه‌لی جه‌زائیری دی مافی خو وه‌رگریت. و ژلایی خوڤه حکومه‌تا جه‌زائیر گوت دقیت ریفراندومه‌کا راسته‌قینه به‌یته کرن، و بی گومان دی گه‌لی جه‌زائیر بریارا خو بو سه‌ربه‌خوبوونی ده‌ت (خه‌بات/ النضال، ع ۲۴۵، ۲۱ حزیران ۱۹۶۰).

لدور فان پیشهاتان نوینه‌ری حکومه‌تا جه‌زائیر ل فەرهنسا گوت، دی دانوستاندنان د گه‌ل به‌رپرسین فەرهنسی ده‌ست پیکنه‌نه‌قه. و سه‌ره‌دانا شاندی جه‌زائیری ل وی ده‌می یه کو ئاگره‌ست هاتیه راگه‌هاندن ل جه‌زائیر، و دانوستاندن ب نه‌ینی و بشیوه‌یه‌کی باش بریقه‌دچن (خه‌بات/ النضال، ع ۲۵۰، ۲۸ حزیران ۱۹۶۰).

دانوستاندنین به‌راهیی دناقبه‌را هه‌ردوو لایان دا بدویمایه‌ک هاتن،

و حکومەتا جەزائیر داخوازکر کۆمبوون د ناقبەرا فەرحات عەباس سەرۆکی حکومەتا جەزائیر و دیگولی سەرۆک کوماری فەرەنسا بەیتە کرن؛ چونکی ئەف کومبوونە دئ دانوستاندان بەرەف پێشەن. ژلایئ خوڤە حکومەتا فەرەنسا داخوازکر نشتیمان پەرورین جەزائیری چالاکیین خو یین سەربازی براوستین ل دەمی دانوستاندان دا، هەتا ریکەفتنەک بەیتە ئەنجام دان ( خەبات/ النضال، ع ۲۵۲، ۳۰ حزیران ۱۹۶۰).

پشتی زفرینا شاندى جەزائیری ژ پاريس، حکومەتا جەزائیریا دەمکی بسەرۆکاتیا فەرحات عەباس کومبونەک ل رۆژا ۲ تیرمەهی ۱۹۶۰ ئ گریدا، بۆ گەنگەشەکرنا ئەنجامین دانوستاندین دەستپیکى دگەل فەرەنسا (خەبات/ النضال، ع ۲۵۳، ۳ تموز ۱۹۶۰).

رۆژناما خەبات گوتارەکا دیتەر لدۆر دانوستاندین جەزائیریان دگەل فەرەنسیان بەلاقەر، لژیئر ناڤونیشانین: (دەربارەى کیشا جەزائیری)، تیدا هاتبوو، سەرۆکی فەرەنسى دیگولی گوتارەک پێشکیشکر تیدا هەلوستى حکومەتا خو بەرامبەر جەزائیری راگەهاند، و گوت مە ل پێشیی شەر یی راوستاندنی، و ئارمانجا مە ناشتی و ئارامی وتەناهییه بۆ جەزائیری. و رۆژنامی دیارکر دیگولی ب فان ریکان دڤیا جەزائیری کونترول بکەت و پاشەرۆژا وئ ب فەرەنسا قە گریبەدەت، و فەرەنسا دانپیدان ب حکومەتا جەزائیر نەکریه، و نەھیلات شاندى جەزائیری دەمی سەرەدانا فەرەنسا ل ۲۰ حزیرانا ۱۹۶۰ کری ب ئازادی ل فەرەنسا بگەریت، و کونگرین رۆژنامەڤانی ئەنجامبەدەت (خەبات/ النضال، ع ۲۶۱، ۱۲ تموز ۱۹۶۰).

ژ لایەکی دیترفە رۆژناما خەبات داخویانین جیگری سەرۆک وەزیران و وەزیری دەرڤە یی جەزائیر کەریم بلقاسم لدۆر پێشہاتین دانوستاندین حکومەتا وی دگەل فەرەنسا بەلاقەر، دەمی گوتی:

دانوستاندنن مه دگهل فهره نسا هاتنه راوستاندن، و تاكه ریک بو  
رزگار بوونی ژ فهره نسا شه ره، ب ریکا له شكه ری رزگار یخوازی  
نشتیمانی یی جه زائیری كو گه لی جه زائیر پشتگیری لی دكه ت. و  
ههروه سا گوټ: هزر كرنا فهره نسا هوكار ی به رده و امیا شه ری یه ل  
جه زائیر؛ چونكی ئه وان نه قییت كیشا جه زائیر ب ئاشتیانه چاره سه ربیت  
و دهسته ه لاتدارین فهره نسی دقیان دانوستاندنن بكه نه راده سكرنا  
جه زائیریان، لی گه لی جه زائیر شه ره كی ریکخستی ئه نجام دایه دژی  
داگیر كه ری فهره نسی و هاوپه یمانیا (ناتو)، كو بو ده می شه ش سالانه  
خه باتا جه زائیریان به رده و امه، و هه ر چه نده رۆژ بو رۆژی شه ر  
سه ختربیت، لی له شكه ری جه زائیری ب هیتر دكه قییت. ههروه سا  
گوټ: شانده كی جه زائیری كو ژ هژماره كا وه زیران پیک ده ییت دی  
به ره ف نه ته وه یین ئیكگرتی بریکه فن بو چاره سه ركرنا كیشا جه زائیری  
(خه بات/ النضال، ع ۲۷۰، ۲۵ تموز ۱۹۶۰).

لفی ده می دا دهوله تیئ ناسیا و ئه فریقیا ل نه ته وه یین ئیكگرتی  
شیان سه ركه فتنی تومار بكه ن د روینشتنا چاردی یا نه ته وه یین ئیكگرتی  
ئه وال ناغه راستا تیرمه ها ۱۹۶۰ ی دا هاتیه ئه نجامدان، ده می كیشا  
جه زائیری كرینه دناف ئه جیندایین كومبونی دا (السبعای، ۲۰۱۳، ۱۹).

لده می چوونا شاندى حكومه تا جه زائیری بو نه ته وه یین ئیكگرتی،  
ئه وان گوټن: دیگولی ره تکر دانوستاندنن د گهل وان بكه ت، و شه ری  
بدویمایه ك بینیت ل جه زائیر كو هیشتا یی به رده و امه، و ژ به ر هندى  
حكومه تا ده مکی یا جه زائیری بریار دا ده ست ب هه وه كا دیپلوماسی  
بكه ت ژ پیخه مه ت ئه نجامدانا ریفرا ندومی لژی ر چاقدیریا نه ته وه یین  
ئیکگرتی بو چاره سه ركرنا كیشا جه زائیری (خه بات/ النضال، ع ۲۹۵، ۲۳  
اب ۱۹۶۰).

ژ لایه كی دیتر فه كه ریم بلقاسم جیگر ی سه روک وه زیرین

جه‌زائیری، د کونگره‌کا پوژنامه‌فانی ل باژیری قاهیره گوت: حکومه‌تا فەرهنسا نه‌دثیا ب ریکا دانوستاندنان کیشا جه‌زائیری چاره‌سه‌ر بیت، و بتایبه‌تی پشتی وان لیدوانیت دویمه‌ی بین دیگولی کو دثیا قی کیشی ب ریکا چه‌کی چاره‌سه‌ر بکته. و گوت: داخوای دکه‌ین نه‌ته‌وه‌یین ئیکگرتی ده‌ست تیوه‌ردانین راسته‌وخو بکته ل قی ئاریشه‌یی دا، داکو گه‌لی جه‌زائیری مافین خو د سه‌ربه‌خویی و ئازادیا خو ب هه‌لبژیرن، و دثیت نه‌ته‌وه‌یین ئیکگرتی بریارا ریفرا‌ندومی لژیر سه‌رپه‌رشتیا خو بده‌ت بو دیارکرنا پاشه‌پوژا جه‌زائیر (خه‌بات/ النضال، ع ۳۲۱، ۲۵ ایلول ۱۹۶۰).

سیاسه‌تمه‌دار و نفیسه‌رین کورد گرنگی ددانه روویدانیت کیشا جه‌زائیری، لقی‌ری پوژناما خه‌بات گوتاره‌ک ب پینوسی روژنامه‌فان و سیاسه‌تمه‌داری کورد حلمی عه‌لی شه‌ریف<sup>(۲)</sup> یی خو دایه نیاسین بناقه‌کی خواستی (ئاسو) گوتاره‌ک ب نافونیشانین (کیشا جه‌زائیری دی هه‌ر سه‌رکه‌فیت)، تیدا هاتبوو: چ گومان نینن کو دانپیدانا فەرهنسا ب حکومه‌تا جه‌زائیری و ئه‌نجامدانا دانوستاندنا دگهلدا ل خزیرانا ۱۹۶۰ ع، ده‌یته هژمارتن سه‌رکه‌فتن بو هه‌می گه‌لی جه‌زائیری، و شکه‌ستن بو پروژی فەرهنسا بو لیکدانا جه‌زائیری دفه‌رهنسادا ب هیزا چه‌کی وی شه‌ری پیس ئه‌وی هاتیه سه‌پاندن لسه‌ر گه‌لی جه‌زائیری (خه‌بات/ النضال، ع ۲۴۶، ۲۲ حزیران ۱۹۶۰).

نفیسه‌ری د گوتارا خودا ئاماژه ب گه‌له‌ک هوکارین نافخویی و ده‌ره‌کی کرینه کو فەرهنسا پالداینه نه‌رمیی د هه‌لو‌یستی خو بکته، ژ وان گه‌له‌ک وه‌زاره‌تین فەرهنسی شکه‌ستن ئینا، و دروستبوونا قه‌یرانین دارایی و ئابووری ژ ئه‌نجامی شو‌په‌ش ا جه‌زائیری، کو فەرهنسا مه‌زاختین خو زیده‌کرن د شه‌پیدا بو هندئ کونترولی لسه‌ر شو‌په‌شی بکته هه‌روه‌سا ئه‌و بارودوخی نه‌خوشی کو فه‌رمانگه‌ها باج یا

فهرهنسی تووش ببو، ئەقان هوکاران هندهک ژ سیاسیین فەرهنسی پالدان داخووازا راوستاندنا فی شهپری بکهن، چونکی دووماهیکا وی هەر شکهستن و شهرمزارییه. بهلی دگهل هندی ژی گهلهک ژ راسترهوین پاشقه مایی ل فەرهنسا و ئەو کهسین فەرهنسی یین ئاکنجی ل جهزائیری، دژی پینگافین حکومه تا فەرهنسی یین ئاشتیخواز دراوستن (خهبات/ النضال، ع ۲۴۶، ۲۲ حزیران ۱۹۶۰).

نقیسهری د گوتارا خودا دیارکر پشتهفانیا ملهتین ئاسیا و ئەفریقیا و جیهانی ب گشتی بو گهلی جهزائیر، کیشا وان ژ ئاستی نافخویی دهربازکر و بویه کیشهکا نیقدهولهتی و چهندین جاران د دهستهیا نهتهوهیین ئیکگری دا هاته بهسکرن، بقی چهندی فەرهنسا توشی شکهستین مهزن بوو ژ لایین سیاسی و لهشکری. و گوتاری داخووازر جهزائیری مفای ژ ناکوکیین نافخویی ل فەرهنسا دا بکهن، و دژی راسترهوین توندپهرو ب راوهستن، و ههمی ههولین خو بکاریین بوو بجهئینانا ئارمانجین گهلی جهزائیر د ئازادی و سهربهخویی دا، و بهرقره رابوونا ئاشتین ل جیهانی (خهبات/ النضال، ع ۲۴۶، ۲۲ حزیران ۱۹۶۰).

ل دووماهیا گوتاری دا هاتبوو: گهلی مهیی کورد سلافا ل خهباتا گهلی جهزائیری یی قهرهمان دکهت، ئەوی خهباتی بوو مافین خویین نهتهوایهتی و دیموکراسی دکهت، وداخازا سههرکهفتنی بوو شانندی حکومه تا جهزائیری دکهت ددانوستاندنان دا دگهل حکومه تا فەرهنسی. و گوتاری دیارکر سههرکهفتنا گهلی جهزائیر سههرکهفتنا وان، و ئەف سههرکهفتنه دی بنه پالدهر بوو ملهتهی کورد و ههمی ملهتهین خهباتی بوو مافین خو یین رهوا دکهن و مزگینیا سههرکهفتنی ددهنه وان (خهبات/ النضال، ع ۲۴۶، ۲۲ حزیران ۱۹۶۰).

پشتی تیچوونا دانوستاندنن حکومه تا فەرهنسی دگهل

شۆرەشکیرین جه‌زائیری ل دو‌ماهیا خزیرانا ۱۹۶۰ ئ ل فەرهنسا،  
نقیسه‌ری کورد حلمی علی شریف (ئاسو) گوتاره‌ک دیتەر نقیسه‌بوو، تیدا  
دیارکربوو ریگریکرن ل دان وستاندن ل بیته ئه‌گه‌ری هندی گه‌لی  
جه‌زائیرخه‌باتا خویا شۆرەش گیری به‌رفره‌هتره‌که‌ت، و دیارکر  
دانوستاندن یین به‌ره‌ف ریکا دروست دچن، به‌لی جنرال دیگول یی  
پاشگه‌ز دبیته‌فه ژبه‌ر فەرهنسیین توندپه‌و، به‌لی پشتی زانی گه‌لی  
جه‌زائیر رازی نابن لسه‌ر بنده‌ستی و داگیرکاری و ب فروتنی  
سه‌ربه‌خویی و ئازادیا خو، و له‌ورا رابوو ب دانانا مه‌رجین زه‌حمه‌ت  
بو شاندی گه‌لی جه‌زائیری، دا د دانوستاندن ب راوه‌ستن و شه‌ر  
دوباره‌ ده‌ستییه‌که‌ت. و گوتاری خویاگر داگیرکه‌ر سیاسه‌تا خو  
ناگه‌ورن ئه‌گه‌ر نه‌که‌قنه‌ لژی کارتیکرنا هی‌زا چه‌کی، و ژبه‌ر قی  
ئه‌گه‌ری گه‌لی جه‌زائیری نه‌چاربوو چه‌کی ب هه‌لگریت چونکی وان باش  
دزانی فەرهنسا سیاسه‌تا خو ناگه‌وریت ئه‌گه‌ر ب هی‌زا چه‌کی نه‌بیت  
(خه‌بات/ النضال، ع ۲۵۸، ۸ تموز ۱۹۶۰).

ل دو‌ماهیا گوتاری هاتبوو: "گه‌لی کورد کو شماره‌زایه‌کا د یا هه‌یی  
د خه‌باتا رزگاربخوازی دا دژی داگیرکه‌ران و ده‌سته‌ه‌لاتداریین ره‌گه‌ز  
په‌رست و توندپه‌و، ب ریکا خه‌بات و شۆرە‌شیت خوینا وی و  
راپه‌رینیت به‌رده‌وام، و دوی باوه‌ری دایه ئه‌گه‌ر حکومه‌تا دیگولی  
دانپیدانی ب مافین گه‌لی جه‌زائیری د ئازادی و سه‌ربه‌خویی دانه‌که‌ن،  
دی باوه‌ریا گه‌لی جه‌زائیری شۆرەش گیر ب دوزا وان یا ره‌وا موکوم  
تر لی هیت (خه‌بات/ النضال، ع ۲۵۸، ۸ تموز ۱۹۶۰).

### چوار: ده‌ستپیشخه‌ریه‌کا نوی ژ حکومه‌تا فەرهنسا

ژ ئه‌نجامی تیچوونا کاودانین ئابوری ل فەرهنسا، و زی‌ده‌بوونا  
ئاریشه‌ییین ناخویی و ده‌ره‌کی، سه‌رۆک دیگول نه‌چاربوو جاره‌کا دیتەر  
رازیبیت ب ده‌ستیکرنا دانوستاندن دگه‌ل نوینه‌ریین شۆرە‌شا



جهزائیری (السامرائی و النجم، المصدر السابق، ۲۳۸). و پشتی توندروین فەرهنسی بزاقین خو زیده تر لیکرین و د گوتن (جهزائیر فەرهنسیه)، سه روک دیگولی د داخویانییه کی دال ۴ چریا دووی ۱۹۶۰ئ گوت: "جهزائیر یا جهزائیریانه"، له ورا توندرو و ان پتر دژایه تیا وی کرن (سید احمد، ۲۰۱۷، ۷۳).

ولدور پیشهاتین سیاسی ل جهزائیر پوژناما خهبات گوتارهک به لافکر، بناقونیشانی: (لیدوانین دیگولی د درهنگ بوون)، تیدا هاتبوو: دیگولی گوت مه دانوستاندن دگه ل جهزائیریان یین کرین، و مه دانپیدان یا ب مافی چاره نفیسی وان ل ۱۶ ئه یلول ۱۹۵۹ کری، لی هه ر ژ دهرکهفتنا فی بریاری چ پینگاف به رف پیش نه چووینه. و زیده تر گوت: مه ریکا ئاشتی یا گرتی ل جهزائیر نه یا شه ری، لی گه لی جهزائیر چهک یی هه لگرتی. د کومینتا گوتارا پوژناما خهبات دا هاتبوو، پشتی بورینا دوو سالان لسه ر دانپیدانا فەرهنسا ب مافین گه لی جهزائیر، چه ندین پیشنیار هاتنه پیشنیاز کرن لی هه می د بهر ژه وه دنیا فەرهنسا دا بوون، و دانوستاندین ل مه ها حویزهیرانا ۱۹۶۰ ژی هاتینه ئه نجامدان شکهستن ئینان، و فەرهنسا ریکین ئاشتی نه دقیان، ژ بهر هندی نیشتیمان پهروه رین جهزائیر دهست ژ چهکی و خهباتا خو بهر نادهن هه تا وهلاتی خو رزگار بکه ن ژ داگیرکه ران (خهبات/ النضال، ع ۳۶۱، ۱۵ تشرین الثاني ۱۹۶۰).

پوژناما خهبات دهنگوباسهک لدور سیاسهتا نوی یا حکومهتا فەرهنسی ل جهزائیر به لافکر، تیدا هاتبوو حکومهتی د کومبوونا خودا ل روژا ۱۶ چریا دووی ۱۹۶۰ئ، باسی بابهتی ئایندهیی جهزائیری کر، و دیارکر د ده مهکی گونجای دا ريفراندوم ل فەرهنسا دی هیته ئه نجام دانی. و روژنامی دیارکر لدویف ژیده رین نیزیک ژ حکومهتا فەرهنسا، سه روک دیگول دی رابیت ب دانانا کارگیریه کا نوی بو جهزائیر، وهک

دهستپیکهک بو فه کرنا ریکه کی بو گه لی جه زائیر بو دیار کرنا مافی چاره نفیسی خو (خه بات/ النضال، ع ۳۶۳، ۱۷ تشرین الثاني ۱۹۶۰).

لدور قی بریارا حکومتا فەرهنسی، حکومتا ده مکی یا جه زائیر به یاننامه یه ک ل روژا ۱۸ چریا دووی به لافکر، تیدا هاتبوو: حکومتا فەرهنسی راگه هاندییبه کو نه و دی رابن ب ریکخستنا دهسته لاتداریین خو ل جه زائیر ب ریکا یاسایه کی (دهستور) کو ها ولاتیین فەرهنسی دهنگی بو بدن ب ریکا ریفراندومی. حکومتا جه زائیری دیار کر نه ف پینگا فه دژی به رژه وهندیین گه لی وانه، و دی گه لی جه زائیر پارچه پارچه که ت. و به یانی گو ت: سیاسه تا کومارا فەرهنسی یا پینجی هر وهک یا چاری یه و گه لی جه زائیر فان پیلانان رهدکهن. و چونکی حکومتا فەرهنسی دانوستاندنن رهدکته و هه ولددهت دستوره کی ساخته بسه پینیت ل سهر گه لی جه زائیر، له ورا لقییری دوباره داخواز دکه ین نه ته وه یین ئیکگرتی سه رپه رشتیا ریفراندومه کا گشتی بکه ت ل جه زائیر، داکو گه لی وی چاره نفیسی خو دیار بکه ت (خه بات/ النضال، ع ۳۶۶، ۲۱ تشرین الثاني ۱۹۶۰).

روژناما خه بات دهنگوباسه ک دیتر به لافکر کو حکومتا فەرهنسا بریار دایه ل نیقا ئیکی ژ هه یقا کانوینا دووی یا ساللا ۱۹۶۱ ی ریفراندومی ل فەرهنسا و جه زائیری پیکفه ریکبختیت بو دروستکرنا حکومتا دیگولی ل جه زائیر (خه بات/ النضال، ع ۳۶۸، ۲۴ تشرین الثاني ۱۹۶۰).

ژ لای خوقه رادیویا دهنگی کوماری (صوت الجمهوریة) یا جه زائیری ئیدانه یا پروژی دیگولی کر، وگو ت: د چ میژوویمان دا نه هاتیه رویدان گه له ک ریفراندومی بو گه له کی دی بکه ت و چه وا گه له کی دیتر دی پاشه روژا ئیکی دیتر دیار که ت. و گو ت سیاسه تمه دارین حکومتا فەرهنسی ژبیرکرینه کو ژ بلی جه زائیریان چ که سین دی نه سین

پاشه پوژا وان دیار بکهن، و گهلی مه ژ بلی سه ربه خوئی و ئازادی ب چ تشتین دی رازی نابیت، و ئەو بهیچ رهنگه کی رازینابیت بهیته گریدانی ب فەرهنساقه (خهبات/ النضال، ع ۳۷۶، ۶ کانون الاول ۱۹۶۰). ههروهسا رادیوی ئیدانه یا پلانا داگیرکه ریا فەرهنسی کر بو دابه شکرنا جه زائیر و گوٹ: دیگول هزر دکهت جه زائیری دابه ش بکهت و حکومه ته کی ل بیابانا جه زائیری دروست بکهت کو ژ لایئ داگیرکه ران فه ئەف حکومه ته بهینه بریقه برن. و گوٹ: ئەردی بیابانا جه زائیری زهنگینترین ئەرده ژ پترول و کانزایان و ئەف ئەرده یی گهلی جه زائیره، و دقیت ئەف سامانه بو گهلی جه زائیر بزقپه ته و ژ دهستی داگیرکه ران رزگار ببیت. و ل دویماهی دا گوٹ: ئەم هه می پیلانین سیاسی و له شکهری بین دوژمنان رت دکهین کو دقین ئەردی جه زائیر دابه ش بکهن (خهبات/ النضال، ع ۳۷۷، ۷ کانون الاول ۱۹۶۰).

### **پینج: کارقه دانین سه رهدانا سه روکی فەرهنسا دیگولی بو جه زائیری**

پوژناما خهبات ب وردی دیقچوونا کاودانین جه زائیری دکر، له ورا ده می سه روکی فەرهنسی دیگولی سه رهدانا جه زائیر ل ۹ کانوینا ئیکئی ۱۹۶۰ کری، روژنامی ل سه ری لاپه ری خو یی وی روژی دهنگوباسه ک به لاکر، لژیرو ناوونیشانین: (ریکخراوین راستره ویین توندپه و ل جه زائیر) تیدا هاتبوو: ریکخراوین راستره ویین توندپه و ل جه زائیر بانگه وازیا مانگرتنی دکهن ژ بهر سه رهدانا دیگولی بو جه زائیر، ئەفه ژ بهر هندی یه دا دیگول -لدویف هزرا وان- بزانیته جه زائیر هه ر دی مینیت به شهک ژ فەرهنسا (خهبات/ النضال، ع ۳۷۹، ۹ کانون الاول ۱۹۶۰).

و د بهرامبه ر قی مانگرتنی دا پوژناما خهبات پشتی دوو روژان، دهنگوباسه ک لژیرو ناوونیشانین: (گهلی فەرهنسی داخوازا ئاشتی و ئازادی بو جه زائیر دخوازان)، تیدا هاتبوو: هژماره کا ریکخراو و

سه ندیکیاین فەرهنسی به یانه ک ده رنئخستن، تیدا دیار کربوون کو بتنی ئیک ریک دشیت شه پئ جه زائیر بدویمایهک بینیت ئەو ژی دانوستاندن بهینه کرن بو دیار کرنا مافی چاره نفیسی گهلی جه زائیر، ئە قجا داخواز کرن ب زویترین دەم شه پ بهینه راوستاندن، و دانوستاندن د گهل نوینه رین گهلی جه زائیر بهینه کرن، و ریفرا ندوم بهینه کرن و ئە ف ئاریشه یه ب ریکه کا ئاشتیانه چاره سەر ببیت دویر ژ شه پی و کوشتنی چونکی نه د بهر ژوه ندیا هیچ لایه نه کی دایه (خه بات/ النضال، ع ۳۸۰، ۱۱ کانون الاول ۱۹۶۰).

ههروه سا پوژناما خه بات دهنگوباسین خو پیشاندانین گهلی جه زائیری ژی بو داخوازا ئازادی و سه ره خو بیا خو به لاکرن، و دیار کر نیشتیمان پهروه رین جه زائیری پژانه لسه ر جاده یین باژیرین جه زائیر و وهه ران و باژیرین دیتر، و لیکدان دناقبه را وان و هیزین فره نسی په یدابووون و چه ندین که س هاتنه کوشتنی و بریندار بوون (خه بات/ النضال، ع ۳۸۱، ۱۲ کانون الاول ۱۹۶۰). بقی رهنگی دیار دبیت پوژناما خه بات بوو چونین هه ردوو لایه نان دیار دکرن، یین دژی شو ره شا جه زائیری، ولایه نی دیتر یین دگهل دیار کرنا مافی چاره نفیسی بو گهلی جه زائیر و بدویمایهک ئینانا شه پی و نه خوشیان. وهزاره تا ده رفه یا حکومه تا جه زائیری به یانه ک به لاکر ده رباره ی خو پیشاندانین گهلی جه زائیر بو پشته قانیا حکومه تا ده مکی یا جه زائیری کو ئە فه هفت سهاله خه باتی دکهت بریکا له شکه ری پزگار یخوازی جه زائیری. و ههروه سا د قی به یانی دا هاتبوو فه ره نسا چه ندین جار ان یا نه چار بووی پاشه کشی بکهت، و ل دویمایه یا به یانی گوت: گهلی جه زائیر باوه ریا ب خو هه ی و ب پشته قانیا هیزین دیموکراتی و پوژ بو پوژنی خه باتا وان دئ به ره ف پیش چیت دژی داگیر که را فه ره نسی، و دئ وه لاتی خو رزگار که ن ژ داگیر که ران (خه بات/ النضال، ع ۳۹۵، ۲۸ کانون الاول ۱۹۶۰).

### شەش: هه‌لویستی جه‌زائیریان ژ نه‌جامدانا ریفرااندومی

بهه‌لکه‌فتا نیزیکیبونا نه‌جامدانا پلانا دیگولی بو ریفرااندومی لدور ئایینده‌یی جه‌زائیر وه‌کی د پلانا وی یا ۱۶ نه‌یلولا ۱۹۵۹ ع دا هاتی، ل ۸ کانوینا دووی ۱۹۶۱ ع (خه‌بات/ النضال، ع ، ۳۸۱، ۱۲ کانون الاول ۱۹۶۰)، رۆژناما خه‌بات بانگه‌وازه‌کا سه‌روکی حکومه‌تا ده‌مکی یا جه‌زائیر فهران عه‌باس به‌لا فکر، تیدا داخواز ژ هاولاتیین جه‌زائیر کر بایکوتا ریفرااندوما دیگولی بکه‌ن، چونکی هیچ مفایه‌ک تیدا نینه، و عه‌باسی دیار کر کو سه‌رکه‌فتنا گه‌لی جه‌زائیر یا نیزیکیبوی (خه‌بات/ النضال، ع ۴۰۰، ۳ کانون الثاني ۱۹۶۱).

هه‌روه‌سا رۆژنامی گوتاره‌ک به‌لا فکر ب نافی (ریفرااندوما دیگولی ل جه‌زائیر)، تیدا هاتبوو: هژماره‌کا زور ژ سه‌ربازان به‌شدان د فی ریفرااندومی دا، و هیژین ده‌ریایی یین فهرانسی به‌ری چه‌ند رۆژان یین هاتینه هنارتن بو جه‌زائیر و یین ل باژیری مهن و بتایه‌تی (وه‌هران و جزائیر) هاتینه زیده‌کرین، و هه‌روه‌سا بو چه‌ند ده‌ژمی‌ران قه‌ده‌غه‌یا هاتن و چوونی هاته راگه‌هاندن ل جه‌زائیر، هه‌ر چه‌نده زوربه‌یا خه‌لکی جه‌زائیر بریاردایه فی ریفرااندومی بایکوت بکه‌ن. ژ لای خوقه فهران عه‌باسی سه‌روکی حکومه‌تا ده‌مکی یا جه‌زائیری ره‌خنه ل حکومه‌تا فهرانسا گرتن، و گوت: "دیگولی د گوت نه‌ف ریفرااندومه دی ب ئازادی و دیموکراتی بریقه‌چیت" (خه‌بات/ النضال، ع ۴۰۲، ۶ کانون الثاني ۱۹۶۱). لی د راستی دا ریفرااندوم ب پشکداریا نیزیکی (۸۰۰ هزار سه‌ربازان هاته کرن، کو زوربه‌یا وان ل نیزیکی بنگه‌هین هه‌لبژارتنان بوون، و کۆشتن هاته نه‌نجام دان بتایه‌ت ل رۆژئاڤایی جه‌زائیر(خه‌بات/ النضال، ع ۴۰۴، ۱۰ کانون الثاني ۱۹۶۱).

رۆژناما خه‌بات گوتاره‌ک ژ رۆژناما (مجاهد) یا جه‌زائیری قه‌گوه‌است ب نافی (حکومه‌تا جه‌زائیر کومه‌لکوژیین ریفرااندومی

ئاشکه را کرن)، تیدا هاتبوو له شکه ری داگیرکه را فەرهنسی کریارین خو دوو هینده لیکرن ل سهر گه لی جه زائیر، و له شکه ری فەرهنسی دورپیچ دانا سهر باژیر و گوندان و دهست ب ئه شکه نهجه دان و گرتن و کۆشتنا ب کۆمه ل و دزینا پارهیان کر، و هنده ک جه دورپیچکری بوون ب شهف و پۆژ، لی گه لی جه زائیر ل ده مژمیرین دویمایی ئالایی خو بلندکرن ل به رامبه ر له شکه ری توندپه و یین فەرهنسی کو پابوون ب تهقه کرن ل خه لکی، و هه لیکوپته ران تهقه ل خه لکی کر و ب سه دان جه زائیری هاتنه کۆشتن و بریندار بوون، و جه زائیریان ریفراندم ره تکر و دهسته ه لاتدارین فەرهنسی هه ولدا بیژن مه تاوان ل جه زائیر ئه نجام نه داینه چونکی بتی (۲۵) کهس یین هاتینه کۆشتن و سه د کهس یین هاتینه بریندارکرن (خه بات/ النضال، ع ۴۲۳، ۵ شباط ۱۹۶۱).

سه ره رای فان هه می تاوانان، ده زگه هی پۆژنامه فانی (فرانس پریس / France-Press) ئه نجامین ریفراندمی بقی رهنگی به لاکرن: (۷۲,۲٪) پشکداران ب نه خیر دهنگ دان، و ب تنی (۲۷,۸٪) دهنگ ب به لی دابوون، و ل باژیری جه زائیر زۆربه یا جه زائیریان پشکداریا ریفراندمی دیگولی نه کر و ره تکر (خه بات/ النضال، ع ۴۰۵، ۱۱ کانون الثاني ۱۹۶۱).

ژلایی خوقه، وه زاره تا ده رقه یا حکومه تا ده مکی یا جه زائیر راگه هاند ئه ف ریفراندمی یا ساخته یه، و گۆت: گه لی جه زائیر بو جیهانی راگه هاند ریفراندمی دیگولی یا ساخته یه و هیچ بها نینه، و وان دقیت وه لاتی وان بهیته رزگارکرن ژ داگیرکه ران و ئه و ب خو حوکمی ل خو بکه ن، وزیده تر گۆت: دهسته ه لاتدارین فەرهنسی ب سه دان کهس کۆشتن د ده می ئه نجامدانا ریفراندمی دا، و گه لی مه بایکوت کر ژ به ر کو حکومه تا جه زائیر داخوازکر بوو پشکداریی نه که ن، هه رچه نده گه له ک خه لک هاتبویه ترساندن، به لی خو پیشاندان دروست بوون ل

زۆر بهیا جه زائیر دژی سیاسهتا دیگولی. و ل دویماهییا دا حكومهتا جه زائیری گۆت دی خه باتا مه یا له شكه ری بهردهوام بیت ههتا بگه هینه ئارمانجا خو کو سه ربه خویا ته مامه بو جه زائیر(خه بات/النضال، ع ۴۰۷، ۱۳ كانون الثاني ۱۹۶۱).

### ههفتا: پيشهاتين سياسی ل جه زائير پشتي ريفراندومي

حكومهتا ده مکی یا جه زائیر پشتي نهجامدانا چه ندين كومبوونان راگه هاند ئه و یا ئامادهیه دانوستاندنن ئاشتيی لسه ر بنه مایی ئازادیا گه لی جه زائر و مافی وی د دیار کرنا چاره نقیسی خودا، دگهل حكومهتا فهره نسی نهجامبدهن (خه بات/النضال، ع ۴۰۸، ۱۷ كانون الثاني ۱۹۶۱). و ژ بهر نهجامين ريفراندومي ل جه زائير، ليك نيژيکبونهک نهيني دناقبهرا حكومهتا فهره نسی و نوينه رين شو ره شا جه زائیری دا په يدا بوو، و رۆژناما خه بات دهنگوباسهک لدور ئی چه ندي به لافکر، تيدا هاتبوو ده زگه هی رۆژنامه قانیی (روپتهرز/ Reuters) دیارکریه کو دبیت په یوه نديين نهيني د ناقبهرا نوينه رين جه زائير و حكومهتا فهره نسی دا هه بن بو دانوستاندنی و گه هشتتا ريکه فتنامه یه کی بو چاره سه رکرنا ئی کيشی ب ريکه که کا ئاشتيانه. و د دهنگوباسی دا هاتبوو، دیگولی داخواز ژ حكومهتا خو کریه فه کولينی د پيشنیا را دویماهییا یا حكومهتا جه زائیری بو دانوستاندنی بکه ن، ئه و ژی سه ربه خویی یه بو جه زائير (خه بات/النضال، ع ۴۱۰، ۱۹ كانون الثاني ۱۹۶۱).

ژ لایئ خو فه فهرحات عه باسی ره تکر هيچ جو ره دانوستاندنهک دناقبهرا وان و حكومهتا فهره نسی هاتبيته نهجامدان، و دیار کر ئه و هه ردهم ئاماده نه بو گرتتا ريکا ئاشتيی لی دقیت ده ستپيشخه ریا ئاشتيی ژ لایئ حكومهتا فهره نسی بهيته نه وه رگرتن ( خه بات/النضال، ع ۴۱۸، ۳۰ كانون الثاني ۱۹۶۱). دبیت ئه ف داخویانییه هاتينه دان، چونکی دانوستاندنن نهيني ل ده ستپيکی بوون، و دیار نه بوو کا دی چ نهجام

لدویفدا هین.

رۆژناما خه‌بات گوتاره‌ک لدۆر پشته‌فانیا جیهانی بۆ شوپره‌شا جه‌زائیر به‌لافکر، تیدا هاتبوو: سه‌رۆکی حکومه‌تا ده‌مکی یا جه‌زائیر فەرحات عه‌باس گۆت ئەم که‌یف خو‌شین چونکی پشته‌فانین حکومه‌تا مه‌ رۆژ ب رۆژ یی زیده‌ دبن، و خه‌باتا مه‌ بۆ سه‌ربه‌خو‌یی یه، و نوکه (۲۱) ده‌وله‌تان دانپیدان ب حکومه‌تا ده‌مکی یا جه‌زائیر یین کرین، و رۆژ ب رۆژ پتر دانپیدان زیده‌تر لی ده‌یت، و ئەفه ئاگه‌هداری یه بۆ داگیرکاریا فەرهنسی کو سه‌رده‌می داگیرکه‌ریی به‌ره‌ف نه‌مانی یه، و ئەف شه‌ری به‌ربه‌ری و نه‌ دادپه‌روه‌ری هاتیه‌ سه‌پاندن ل سه‌ر گه‌لی جه‌زائیر ده‌یته‌ رسواکرن. و گۆت گه‌لی مه‌ یی جه‌زائیری دقیت ب ئازادی و ئاشتی بژیت وه‌کی هه‌می گه‌لین دیتری، جیهانی (خه‌بات/النضال، ع ۴۲۶، ۸ شباط ۱۹۶۱).

هه‌روه‌سا دقئ هژماریدا هاتبوو لیژنا ئاشتیا نشتیمانی یا فەرهنسی گۆت: دقیت کیشا جه‌زائیر ب ریکا دانوستاندنئ به‌یته‌ چاره‌سه‌رکرن، و گۆت: نوکه شه‌ری یی به‌رده‌وامه‌ و حکومه‌تا فەرهنسی ره‌تکر گرتیا مافین گه‌لی جه‌زائیری بکه‌ت کو داخواز کر ب ریکه‌کی مافی چاره‌نقیس و پاشه‌رۆژا خو‌ دیاربه‌که‌ت و ئەف ئاریشه‌یه ب ریکا دانوستاندنان دئ هیته‌ چاره‌سه‌رکرن و دقیت هه‌ر دوو ئالی نه‌رمیی دیار بکه‌ت (خه‌بات/النضال، ع ۴۲۶، ۸ شباط ۱۹۶۱).

ل به‌رده‌وامیا دویفچوونا خو بۆ پیشهاتین گریدای ب دانوستاندین حکومه‌تا فەرهنسی دگه‌ل حکومه‌تا ده‌مکیا جه‌زائیر، رۆژناما خه‌بات ده‌نگوباسه‌ک لدۆر پلانین حکومه‌تا فەرهنسی بۆ گریدانا بیابانا جه‌زائیر ب فەرهنساقه‌ به‌لافکر. و رۆژنامی ئاماژه ب به‌یاننامه‌یه‌کا حکومه‌تا ده‌مکیا جه‌زائیر ل ۲۶ شوباتا ۱۹۶۱ ئی ده‌ریخستی، تیدا هاتبوو: ده‌مه‌کی دا رایا گشتی یا جیهانی ل هیفیا ده‌نگوباسین دانوستاندین



فهره نسا و جه زائیریانه، ئەم دبیین داخویانیین بهرپرسین فەرهنسی داکوکی دکن کو بیابانا جه زائیر پارچه یه که ژ ئاخا فەرهنسا. و ئەف چهنده هیچ راستییەک بو نینه، چونکی خەلکی قی دهقەرئ هەمی جه زائیری نه، وهکی هەمی دهقەرین دیترین جه زائیر، و پیتقییه سامانین قی دهقەرئ د خزمه تا پیشکهفتنا گهلی جه زائیر دابن (خهبات/ النضال، ع ٤٤٥، ٢ ازار ١٩٦١).

رۆژناما خهبات د دوماهییک هژمارا خو دا ل ٢٨ ئادار ١٩٦١، گوتارهک ب ناڤی (دانوستاندنن ئاشتیی د ناڤهرا فەرهنسا و جه زائیری ل حهفتی مهها بهیت) به لاکر، تیدا هاتبوو: حکومه تا جه زائیری و حکومه تا فەرهنسی رازی بووینه دانوستاندنن ئاشتیی ل باژیری (ئیقیان) یی فەرهنسی بریقهچن، و شاندى جه زائیری ب سهروکاتیا ئەحمەد فرهنسیس وهزیری دارایی یه، و شاندى فەرهنسی ب سهروکاتیا جوکس وهزیری کاروبارین جه زائیری ل حکومه تا فەرهنسی دی بریقهچن. و حکومه تا جه زائیری راگه هاند کو ئەحمەد فرهنسیس نوینه ری گهلی جه زائیری، و هەر ههولهک بو پیشکداریکرنا لایه نهکی دی یی جه زائیری ب واتایا راوستاندنا دانوستاندنن دهیت. و گوته بیژی حکومه تا جه زائیری گوت: حکومه تا فەرهنسی ههولدهت کو بزاقا مصالی ئەلحاج<sup>(٣)</sup> پیشکداریی ل دانوستاندنا بکته وهک لایه نهکی جه زائیری، و دیارکر ئەلحاج ژمیژیه ل باژیری پاریس ل ژیر چاقدیریا پولیسان فەرهنسا دا یه، و نوینه راتیا گهلی جه زائیر ناکهت (خهبات/ النضال، ع ٤٦٢، ٢٨ ئادار ١٩٦١).

بقی رهنگی دانوستاندنن فەرهنسا دگهل جه زائیریان پیشقه چوون ههتا ههردوو لایه ن گهشتینه ریکههفتنامه کا ئاشتیی ل ١٩ ئادارا ١٩٦٢، و بقی رهنگی وهلاتی جه زائیر سهربه خوییا خو ل ٥ تیرمهها ١٩٦٢ ی وهرگرت (سید احمد، ٢٠١٧، ص ٩١ وبعدها).

هەژى گۆتنى يە كو سەرکردى شۆرەشا كوردى و سەرۆكى پارتى ديموكراتى كوردستان مەلا مستەفا بارزانى، ژ سياسىين دەستپىكى بوون يين پىروزباھيا سەرەخوييا كۆمارا جەزائىر كرىن، و بقى ھەلكەفتى نامەيەك پىروزباھيي بناقى گەلى كورد ئاراستەى سەرۆك وەزىرىن جەزائىرى يوسف بن خدە كر<sup>(۴)</sup>.

### دووماھىك

پۆژناما خەبات گرنگىەكا مەزن د دايە كىشا جەزائىرى، ولايەنى دانوساندنان ژ بەر گرنگيا وى جھەكى تايبەت دناڤ لاپەرىن پۆژناما خەبات دا ھەبوو، پۆژنامى ب شىوہيەكى رۆن و ئاشكرا پشتەقانيا شۆرەشا جەزائىرى د زۆرىنەيا ھژمارين خودا دكر.

پۆژناما خەبات ھەولدا سەرنجا ھاولاتين عىراقى ب گشتى و يين كورد بتايبەتى ببەتە لسەر بابەتى دانوستاندنن د ناڤەرا جەزائىريان و فەرەنسيان دا، و پۆژنامى ب ووردى دىڤچوونا قان دانوستاندنن دكر. پۆژنامى دگەل پشتەقانيا خو بو كىشا گەلى جەزائىر، بەھمى شىوہيان لايەنين خرابين سياسەتا فەرەنسى ل جەزائىر ددانە دياركرن، و ھەردەم ھىرش دكر لسەر فەرەنسا و ھەڤەيمانين وى، وديار دكر جەزائىرى مللەتەك ئاشتىخوازنو ھەز دكەن دانوستاندنن ئەنجام بدەن بو چارەسەركرنا كىشا خو، بەلى فەرەنسى دژى ئاشتىي نە.

### په راویز:

- <sup>۱</sup> . فەرحات عهباس، لسالا ۱۸۹۹ لده قهرا جیجل ل جه زائیر هاتیه سهردونیا، لسالا ۱۹۲۶ بوویه سهرۆکی ئیکه تیا قوتابین جه زائیر، ولسالا ۱۹۳۱ پشکا دهرمانسازیی ل زانکویی ل جه زائیر بدوماهیگ ئینایه. ئه ندامی به رهیی پزگاریخواری جه زائیر بو، و سهرۆکی ئیکه م حکومه تا ده مکیا جه زائیری بو لسالا ۱۹۵۸ ئ هتا پزگارکرنا جه زائیر لسالا ۱۹۶۲ ئ، پاشان بوویه سهرۆکی ئه نجومه نی نیشتمانی ل جه زائیر، به لی لسالا ۱۹۶۳ ئ ده ست ژ کاری به ردا، ولسالا ۱۹۸۵ وه غه را دوماهی کر. بو پتر پیژانینان، بنیره، (الکیالی، ۱۹۹۴، ۴۹۳-۴۹۴).
- <sup>۲</sup> . ل باژیری سلیمانی ل سالا ۱۹۳۱ هاتیه دونیا، ل کولیژا ئه ندازیاری ل زانکویا به غداد هاته وهرگرتن، به لی خواندنا لی ته مام نه کر ژ بهر چالاکیین وی یین سیاسی، پاشان خواندنا خو ل کولیژا یاسا و سیاسه تی ل زانکو مسته نصه ریه ل به غداد ته مامکر و لسالا ۱۹۷۶ ئ ژئ دهرچوو، وه کو رۆژنامه قانه ک چالاک پشتی شوپه شا ۱۴ تیرمه ها ۱۹۵۸ دیاربوو، و گوشه یه کا تاییه ت ل رۆژنامه خه بات بناقی (التعلیق السیاسی) هه بوو، و بناقی خو یی خواستی (ئاسو) گوتار به لاف دکر. بو پتر پیژانینان، بنیره، (شریف، ۲۰۰۱، ۷ وپشتی وئ).
- <sup>۳</sup> . مصالی ئه لحاج، ئیکه ژ سهرکردین نیشتمانی په روه رین جه زائیری لسالا ۱۸۹۸ ژ دایک بویه، داخووا سهر به خو یی بو جه زائیری کریه، چه ندین پارتی، سیاسی ل جه زائیر دامه زاندینه، ژ وان (بزاڤا نیشتمانی جه زائیری)، چه ندین جارن هاتیه گرتن و دویرئخستن. ناکوکی دناقه را وی و سهرکردین حکومه تا ده مکیا جه زائیری دا هه بوون. لسالا ۱۹۷۴ ئ وه غه را دوماهی کریه. بو پتر پیژانینان، بنیره، (حکیم، کانون الاول ۲۰۱۹، ۱۹۹ وبعدها).
- <sup>۴</sup> . بو زانین، سهره رای وئ پشته قانیا گه لی کورد ل گه لی جه زائیری دکر، به لی سهرۆکی جه زائیری هه واری بو مه دیه ن و وه زیری دهرقه عه بدولعه زیز بو تغلیقه رۆله کی خراب هه بوون بو ژناقبرنا شوپه شا گه لی کورد (۱۱ ئه یلولا ۱۹۶۱) ل ۶ ئاداری ۱۹۷۵ ئ، پشتی ریکه فتناما جه زائیر دناقه را عیراقی و ئیرانی بهاریکاریا جه زائیری هاتیه ئیمزاکرن. و ئه قی ریکه فتنامی بیرهاتنه کا نه خوش لده ف کوردان بجه هیلات. بو پتر پیژانینان لدور قی ریکه فتنامی، بنیره، (بارزانی، ۲۰۰۲، ۳۴۳ وبعدها).

## لیستا ژیده ران

### ئیک : په رتوک

- البارزانی، مسعود (۲۰۰۲)، البارزانی والحركة التحررية الكردية (ثورة ايلول ۱۹۶۱-۱۹۷۵) مع ملحق وثائقي، اربيل.
- بلغيث، محمد الأمين (۲۰۱۳)، تاريخ الجزائر المعاصر دراسات ووثائق (وثائق جديدة و صور نادرة تنشر لأول مرة)، ط (۴)، الجزائر.
- سليفاني، فرهاد محمد (۲۰۱۳)، من وثائق الحزب الديمقراطي الكوردستاني- العراق ۴ نيسان ۱۹۵۹- ۲۸ نيسان ۱۹۶۱، دهوك.
- الكيالي، عبد الوهاب (۱۹۹۴)، موسوعة السياسة، بيروت، ج (۵).

### دوو: زمانى كوردى

- شريف، حلمى على (۲۰۰۱)، دوو ليكولينه وهى سياسى، سليمانى.
- دوو: نامين دكتورايى بين نه به لافكرى
- سيد احمد، مقدم (۲۰۱۷)، المفاوضات والمفاوضون في تاريخ استقلال الجزائر ۱۹۶۰- ۱۹۶۲ م، أطروحة دكتوراه غير منشورة، قسم التاريخ، كلية العلوم الإنسانية والاجتماعية/ جامعة جيلالي ليابس- سيدي بلعباس.

### سى: فه كولين

- بوتاني، عبدالفتاح علي (۲۰۰۵)، "البارزاني الخالد كان من اوائل القادة الذين هناؤا بانتصار الثورة الجزائرية"، مجلة الصوت الآخر، ع (۳۸)، اربيل، ۷ آذار.
- السامرائي، احمد محمود علو و النجم (ايلول ۲۰۱۵)، شهد حسام سامي، "الموقف المصري من تطورات الثورة الجزائرية ۱۹۵۴- ۱۹۶۲"، مجلة آداب الفراهيدي، ع (۲۳)، كلية الآداب/ جامعة تكريت، تكريت.
- حكيم، بن الشيخ (۲۰۱۹)، "الحركة الوطنية بين تيارى المساواة و الاستقلال (الامير خالد ومصالي الحاج أنموذجا"، المجلة المغاربية للدراسات التاريخية والاجتماعية، مج (۱۰)، ع (۲)، كانون الاول. متاح على الموقع الالكتروني: <https://www.asjp.cerist.dz/en/downArticle/334/11/2/105494>.
- \_ السراي، صالح جعيول جويعد (ايار ۲۰۰۶)، "الموقف الامريكي من الثورة الجزائرية ۱۹۵۴- ۱۹۶۲"، مجلة دراسات تاريخية، ع (۲)، كلية التربية للبنات/ جامعة البصرة، البصرة.

\_ السبعاري، فهد عباس سليمان (٢٠١٣)، "موقف سوريا من القضية الجزائرية ١٩٥٤-١٩٦٢"، مجلة جامعة كركوك/ للدراسات الانسانية، مج (٨)، ع (٢)، كلية التربية/ جامعة كركوك، كركوك. متاح على الموقع الالكتروني:  
<https://www.iasj.net/iasj/download/8f2ee9bfba80dc28>.

#### چوار : پوژنامه و گوڤار

أ - جريدة خبات/ النضال، گهلهک ژماره نه دناف فه کولینی دا هاتینه نفیسین.  
ب- جريدة مجاهد، ع (٦٥)، ٤ نيسان ١٩٦٠؛ ع ٧١، ٢٧ حزيران ١٩٦٠؛ ع ٧٢، ١١ تموز ١٩٦٠.

#### الملخص

صدي المفاوضات بين الحكومة الفرنسية وقيادة الثورة الجزائرية  
في جريدة/خبات/ النضال (١٩٥٩-١٩٦١)

أولت الصحافة العراقية اهتماما خاصا بالقضية الجزائرية بعد ثورة ١٤ تموز ١٩٥٨، و حاولت تقديم العون للثورة الجزائرية بكل الطرق الممكنة. كما ان الصحافة الكوردية في العراق وبصورة خاصة جريدة (خبات/ النضال) لسان حال الحزب الديمقراطي الكوردستاني، قدمت دعمها للثورة الجزائرية، و خصصت صفحات عديدة لنشر المواضيع عن تطورات الثورة الجزائرية، وكانت تراقب الأخبار السياسية للثورة، و قد تم تخصيص هذا البحث للدراسة في كيفية تقدم المفاوضات بين الحركة التحريرية الجزائرية وحكومة الاحتلال الفرنسي، لا سيما انها مرت بمخاض صعب وعسير، حتى تمكنت الجزائر في النهاية من تحقيق استقلالها.

الكلمات الدالة: (الجزائر، فرنسا، جريدة خبات، المفاوضات) .

### **Abstract**

#### **The Repercussion of Negotiations Between the French Government and the Leadership of the Algerian Revolution In Khabat newspaper/ Al-Nidhal (struggle ) (1959- 1961)**

The Iraqi press paid special attention to the Algerian issue after the revolution of July 14, 1958, and tried to provide assistance to the Algerian revolution in all possible ways. The Kurdish press in Iraq, especially the newspaper (Khabat/ Al-Nidhal- struggle), the mouthpiece of the Kurdistan Democratic Party, provided its support for the Algerian revolution. Many pages were devoted to publishing topics on the developments of the Algerian revolution, and it was monitoring the political news of the revolution. This research has been devoted to the study of how the negotiations progressed between the Algerian liberation movement and the French occupation government, especially as it went through a difficult and complicated labor, until Algeria was finally able to achieve its independence.

**Key words:** Algerian, French, Khabat newspaper, Negotiations.